

DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis decimâ-quartâ
mensis Februarii, Anno Domini M. DCC. LX.*

M. PASCASIO BORIE, Doctore, Medio,
Præfide.

An Phthisi ultimum gradum nondum affecta aqua Caoterienses, vulgò de Cauterès?

I.



INTER judicatu tardas ægritudines phthisi pulmonari frequentior nulla, nulla periculosior: palàm occurrit ferè ubiquè tabes; mors hujus sæpissimè finis: idèd si tabido Medicus advoceris, institutæ therapæiæ vim morbus eluserit, fatoque fungatur æger, silet cavillator etiam mordacissimus; nullo rudis injuriæque vulgi sermone vapulas; omnem à te suspicionem amovet vel sola morbi denominatione... nec miròs acerbior alter: ægros quidem acriori dolore pressos reperies; verùm hos latet natura morbi; recuperandæ sanitatis spes elucet; & quod melius ferendi doloris solatium? Quod eidem leniendo efficacius fomentum? Phthisico conscia mens mali cuique sua est; quæ eum fata maneant, multiplici exemplo didicit: minùs quidem cæteris corpore dolet, ast gemit miser metus tristitiæque præda: dirus animo mæror; ab eo recreari nefas; eum semper exagitat *O ceculum quatens animo tortore flagellum.* Sudet incassùm mentem atris quibus afficitur ideis avocare; vanas sibi frustrà fingit species quò eam aliò divertat; operosa quæ pectus quatitur tussis, sputorum & quantitas & sæda indoles, febris quæ uritur hectica, respirationis difficultas, atque molestus in pectore gravitatis sensus vix sopitam citò renovant infortunii memoriam: se tunc sollicitum omnibusque præbet difficilem:

Quod petiit spernit, repetit quod nuper omisit,

Æstuat, & vita disconvenit ordine toto.

Si sibi fucum facere, atque aliquid præsumere contigerit, se brevè agnoscit concepti erroris, speique fugitivæ ludibrium: tristem conditionis veritatem apertè declarant corporis ferè exsucci macies, spiritus angustia, nocturni quibus colliquescit sudores, exhausti vires diarrhæa, pertinax ciborum omnium fastidium, proximæ mortis prænuntiatio: nam penitus exhaustis paulò-post viribus, partim exelis, partim pure repletis pulmonibus, expuitionis impotens exstinguitur. Si tibi veneri, scorbutici, aut scorbutici phthisis soboles, venerea, scorbutica, scorbutulosa nuncupatur; nec sagacem Medicum species usquam eludet; quælibet à vitio à quo dependet, quæ eam manifestent, symptomata mutatur. Quandoquè sputa purulenta evanescere, mox per intervalla recurrere videntur: nonnunquam, sævientibus cæteris phthiseosis confirmatæ signis, tussis sicca ægrum exagitat, moxquè subito (si abcessus apertura vesiculas prospexerit) ube-

rrior quàm pro solito more puris copia sputis ejicitur; sapissimè puris expulsiō ferè æquabili tenore toto morbi decursu perseverat: hæc sunt tabis tuberculosæ, vomicæ, acque viæ phthiseos discriminina. Modò à vitiosâ pulmonum constitutione primariò dependet, modò ab alterius visceris pravâ dispositione, vel à prægresso morbo, aut à suppressâ solitâ quâdam evacuatione natales ducit; hæc sympathica, aut *symptomatica*, *idi pathica* altera dicitur. Multiplex morbi gradus; hos ritè distinguere plurimi Medici referunt. Si quæ videris habitus corporis graciliori ac teneriori, staturâ procerâ, pectore depresso & angusto, costis protuberantibus, scapulis instar alarum prominentibus, collo oblongo, labiis genisque colore rosaceis, ingenio ut plurimum præcoci, huic tabem imminere pronuntia: idem ferè judicium de iis (a) qui tabidâ stirpe sati sunt, quasi enim hereditario jure omnes necessariò tabe marcescunt; hocque malum sæpè vidimus in omnes ejusd. m. familia ordine grassari. Presso pede sequentur, ni cautè obstititeris, dolor à parte anteriori pectoris ad posteriorem protensus, importunus vel levi de causâ anhelitus, ponderis sensus, tussis vel sicca, vel sanguinis ferax, totidem certa morbi incipientis indicia. Hunc mox confirmabunt expulsiō puris, febris lenta quæ inclinante die exasperabitur. Recensitorum symptomatum lævities, sudores nocturni, colliquans diarrhæa, pedum tumor ædematosus, virium prostratio, horrida totius corporis macies, suffocationis metus, tabem ultimum gradum assecutam significabunt. Conâre ut imminuentem præcaveas, aut saltem incipienti obstes, dubius semperque difficilior in confirmatâ successus; deploratæ nusquam medebere; (b) *tabes cum fœcula sunt, necessitatem habent ut interimant*. Propositum pro votis assequere, si utare remedio quod imminuentem pulmonum infarctum arceat, aut enatum citò referet, vel (si hunc infelici fato facta ac impura continui solutio exceperit) quod ulceris progressui averferur, ejusque causam evellere maximè queat.

I I.

PULMONES ulcus depascens proximam morbi causam declarant sputa purulentiora, cæterorum symptomatum indoles, cadaverum apertior (c) *ulceris origo deducitur ab omni causâ que valet sanguinem in pulmonibus ita fissere, ut in materiam purulentam abire cogatur*. (d) *Cum pulmo sanguinem in se-ipsam traxerit, aut pituitam salisam, & non rursus dimiserit, sed in ipso coacta & compacta fuerint, ab his tubercula sumi in pulmone & suppurantur*. Nusquam igitur pulmonum ulcus absque prævio intractu: hujus (e) *causa duplex, una quidem vitiosa Pulmonis constitutio, altera humor crassus, exedens; ceu quod eodem recidit, nimia vasorum teneritudo atque debilitas, prava humorum crassities atque acrimonia: ex his omnem erues facili negotio variarum phthiseos specierum æthiologiam*. Causarum quas memoravimus actioni favent solitæ evacuationis suppressio, vis ingens pulmonibus illata, ciborum acriorum atque calidiorum ingestio, vehementiora animi pathemata, aer nimio calore aut frigore, humiditate, gravitate, aut alienarum particularum miscelâ insensus, verbo quilibet rerum non naturalium abusus. Morbi causarum historiam meditare; patebit in imminente phthisi imminere Pulmonum infractum, eundem in incipienti existere, in confirmatâ ulcere Pulmones exedi; elucescent & triplicis assignatæ indicationis veritas, & remedia his implendis accommodati necessitas, utilitas, præstantia.

I I I.

CAUTERIENSEM vicam in Pyrenæorum montium parte apud Bigerones conspicuâ situm nobilitant tres thermalium aquarum fontes, totidem balnea. Harum temperiores, aquæ scilicet scatebræ vulgò *Laralière* dictæ, solæ sunt quæ in præsentem morbo commendentur; nihil in hac totâ rerum universitate, triplici memorato effectui producendo, iis reperies accommodatius. Maximâ spiritus sulphurei copiâ, multo bitumine imprægnantur; alkali continent non paucum salis marini *basis emulm*; Marte paucò, paucissimo sale glauberiano ditantur. Principii quintuplicis præsentiam demonstrant quæ sequuntur observationes & experimenta.

O B S E R V A T I O N E S.

Prima. Odorem atque saporem concepti ovi apprimè referunt, utrumque brevissimo tem-

(a) Fernel. de pulm. morbo.

(b) Hipp. lib. 10. de morbis.

(c) Boerh. de phthisi Aph. 1197.

(d) Hipp. lib. de inter aff. cap. 4.

(e) Fernel. de causis morborum.

poris spatio amittunt aeri libero expositæ. In scaturigine, semi-minutæ spatio, plumbum, sparlis hinc & inde rubris viridibusque labeculis, argento colorem conciliant.

Secunda. Tactu lentæ, pingues, oleosæ percipiuntur: quos percurrunt alvei materiâ obducuntur pingui, copiosâ, cinerei coloris; abrafa 24 horarum spatio renovatur.

Tertia. Terrâ fons circumdatur pingui, nigricante, metallicis splendentibus lamellulis refertâ.

Quarta. In scaturigine epotâ primis diebus ventriculum ac intestina turbant, dejectiones nigricantes promovent; postea alvum adstringunt, diarrhœisque etiam contumacissimis feliciter medentur.

Quinta. Si quales in fonte reperiuntur acidis aut alkalibus immisceantur, nulla fermentatio: si variis tincturis, aut lacti, nulla mutatio.

Sexta. Plantis aromaticis amaraco, serpyllo florent circumjecta fonti loca.

EXPERIMENTA.

Primum. Dum earum tentatur evaporatio, eundem ac hepar sulphuris odorem exhalant; vas, si argenteum, flavis, rubris, cæruleis, nigrisque maculis inficitur.

Secundum. Ita sensim igne spissescunt ut petrolei colorem atque consistentiam æmulentur.

Tertium. Hujus aquæ concentratæ miscelâ virescit syrupus violaceus; eadem cum oleo vitrioli fermentescit.

Quartum. Aquâ igne spissatâ gallarum tincturâ immixtâ, fax successu temporis decedit, hæc si exsicceetur nigrescit; in pulverem redactâ pars quædam magnete ducitur.

Quintum. Si dissolutioni argenti affundatur, opaca fit illic mixtura, darque faciem flavi-citrini coloris.

Sextum. Factâ, ejusdem atque dissolutionis mercurii ope spiritûs nitrî mixturâ, mercurii fit revivificatio; pars quæ sulphuri in aquâ superstiti annectitur, præceps deijcitur; dum pars altera bitumine correpta, sursum elevatur, atque splendentem pelliculam efformat; metallis, facis atque pelliculæ frictu, affueta mercurio accidit coloris mutationes.

Septimum. Cristallos dant, paucas equidem, salî glauberiano haud absimiles.

Octavum. Aquæ addito oleo calcis fit materiâ cum acidis fermentescens præcipitatio.

Spiritus sulphurei præsentiam testantur inter observationes prima, secunda, sexta. Inter experimenta, primum, quintum, sextum.

Partem bituminosam indicant inter observationes secunda, tertia, sexta. Inter experimenta secundum, sextum.

Alkali demonstrant inter observationes prima. Inter experimenta primum, tertium; quintum, & subsequencia.

Aquas salæ glauberiano pollere probant inter experimenta, septimum, octavum.

Martem demonstrant inter observationes tertia, quarta. Inter experimenta quartum.

Sapone igitur ballamico atque *Martialisato* præditæ sunt aquæ Cauterienteses; eas tabidis amicas suadet ratio, confirmat experientia.

I V.

I M M I N E N T E M Pulmonum infarctum feliciter præcavebis, aut impactam in iis materiam tutò referabis, si tenerioribus debilioribusque vasis robur, elasticitatem concilies; spissiora fluida comminuas, acriora demulceas: quid, velim, his muneribus implendis aquis Cauterientibus efficacius? Marte vim, elaterium vasis impertiuntur: sapone crassa dividunt; stagnantia pellunt; acria balsamo temperant. Remedium ipsi Pulmonum ulceri præstantius nullum; repetitis quas proritat vaporum oscillationibus *extravasatos* humores maturat, coquit, coctorum excretionem juvat, ulceris labia deterget, emollit, omnibus attritis obicibus circulationis vias expedit, eas verbo omnes inducit conditiones quæ & ulceris extinguendo fomiti, & novorum vaporum evolutioni, atque glutinationi favent. Nè tamen aquæ laudatæ ita fidas, ut eâ solâ absolvendam curationem existimes: si natales peçuliari veneno morbus debeat, huic specificum subsidio advoca. Nusquam expertissimorum Medicorum testimonio comprobata auxilia negligas; proderit in imminente, atque in incipienti morbo moderata equitatio: sæpius fiet lactis usu fusiusque tabis faciliior promptiorque sanatio; si laxandi, humectandi, atque demulcendi sit animus, lacte asinino; si temperandi simul & conglutinandi neces-

fitas, caprino, vaccino tandem utare, dum nutrimento præsertim opus est: has varias lactis species, si ferat stomachus, sinceras, sin minùs, aquâ calcis, decocto radicis chinæ, aut ipsismet aquis alteratas pituitosis, sanguineis; decocto verò radicum tormentillæ, bistortæ, aut fragariæ commixtas biliosis, melancholicis suade. Aquæ quantitas à libris duabus ad tres, quatuorve mane jejuno ventriculo per 20 aut 30 dies pituitosis, sanguineis; parcior verò biliosis, melancholicis, imperanda, sed diutius insistendum: larga in imminente atque incipienti phthysi, in confirmatâ parciore concedenda. Rationi suffragatur experientia: fidem sermè superant, quos continuò operantur, effectus. Cauteriensem Vicum quotannis appellit languentium tabida cohors, spe recuperandæ sanitatis allecra; votis stat eventus. Famam multiplici partam successu non solum servat incolumem, eam quoque ita adaugent, ut sint hodie maximâ apud Medicos existimatione.

V.

AQUIS igitur Cauteriensibus uti nè dubites; præsentissimam tetro phthysicos delendo fomiti opem exhibent: in unum felici amicoque conubio juncta continent varia quæ tabidis opitulari posse hæcenus Medici arbitrati sunt. Ast, inquires, innumersis saponum atque balsamorum formulis ejusdem naturæ, ac consequenter ejusdem virtutis referta sunt quamplurima Medicorum opera; miris extolluntur encomiis; in praxi spem frustratur eventus. Plurima saponacea balsamicaque medicamenta excogitata fuisse non disiteor; verùm hæc cum aquarum principiis nomine tenus conveniunt, re discrepant: acri parte semper nocent, etsi accuratissimâ arte confecta; eorum ided defluxit usus. Artem, in suis semper natura superat operibus: rectior in aquis principiorum proportio, perfectior digestio, atque elaboratio, majorem idcirco in dies famæ celebritatem assequuntur; (a) *Opinionum commenta delet dies, naturæ judicia confirmat.* Ne ferri, in teneros debileseque phthysicorum Pulmones vim & actionem pertimescas: exigua est ipsius quantitas, balsamo insuper comite ita temperatur, ut nullam producere queat irritationem; tussis mitigatio hujus veritatis argumentum.

(a) Cicero de Legib.

Ergo Phthysi ultimum gradum nondum affecuta, aqua Cauterienses, vulgò de Cauterès,

DOMINI DOCTORES DISPUTATURI.

M. Joannes Mac-Mahon, antiquus Exercituum Regis, & Nosocomiorum Militarium Medicus, Regis Consiliarius & Regiæ Scholæ Militaris Medicus ordinarius, nec non Scholarum Professor designatus.

M. Franciscus Thierry.

M. Anna-Claudius Dorigny.

M. Carolus-Augustinus Vandermonde, Censor Regius & Academiæ Boleniensis Socius.

M. Ludovicus-Joannes-Baptista Cojuvier.

M. Franciscus de Paula Combainier.

M. Petrus Poissonnier, Scholarum Professor, Professor & Censor Regius, nec non Militarium Regis Nosocomiorum in Alsatiâ Medicus & Inspector Primarius.

M. Antonius le Camus, Academicorum Regiarum Rupellensis & Ambianensis, nec non Societatis Litterariæ Catalaunensis Socius.

M. Jacobus-Bonignus Winslow, Antiquior Scholæ Magister, Censor Regius, Regiæ Scientiarum Academicæ Regiæque Societatis Berolinensis Socius, Teutonica lingua Regius Interpret & in Horto Regio Anatomice ac Chirurgiæ Professor Antiquus.

Proponerat Parisiis **CLAUDIUS-FRANCISCUS-GASPARDUS HUMBERT**, Bisturtinus, Doctor Medicus Bisturtinensis, Saluberimæ Facultatis Medicinæ Parisiensis Baccalaureus, A. R. S. H. 1760, A SEXTA AD MERIDIEM.